

Professor Schoordijk na apertura di Universidad di Aruba

ORANJESTAD(AAN)- Na ocasion di apertura di Universidad di Aruba Diabierna awor lo tin e discurso inaugural di Professor Mr. H.C.F. Schoordijk. Lo tin varios invitadonan di Hulanda y Antiyas cu lo asisti na e ceremonianan di apertura.

Manera ta conoci e Universidad di Aruba ta situa den e edificio antes yama Huize La Salle unda e freneran Hulandes tabata biba.

E ceremonianan lo cuminsa pa

6'or di atardi y ariba e dia aki esta Diabierna awor lo inicia tambe e aña academico di

Universidad di Aruba. Pa e promer aña academico ya caba a inscribi 50 estudiante.


E discurso di Professor Schoordijk lo hiba e titulo "zaakwaarneming". Professor

Schoordijk ta hoogleraar den privaatrecht na e Universidad Catolico di Brabant y ta alavez

hoogleraar den Anglo-Amerikaanse recht na Universidad di Amsterdam.

Pa interesadonan tin un screen pafo pa asina por sigui tur e ceremonianan y discursonan na

ocasion di apertura di Universidad di Aruba, Diabierna awor 8 di September 1988.



Profesor Schoordijk, acompaña pa sr. Tico Croes, R.A, president -curator di Universidad di Aruba y mr. Drs. Piet Pronk, rector di Universidad di Aruba a reuni cu Ministro di Enseñanza, mr. A..G. Mito Croes. Durante e reunion a combersa tocante diferente aspectonan di cooperacion cu Aruba por tin ariba tereno Universitario cu Institucionan Academico y profesornan Hulandes. Ademas a acentua e factornan fundamental relaciona cu e pregunta kico Universidad por significa pa e futuro desaroyo di e pais. Profesor Schoordijk lo ta un di e oradornan invita na e actonan ceremonial di inauguracion Diabierna awor di Universidad di Aruba.